

0.0.1 mahācattārīsakasuttaṃ

1. evaṃ me suttaṃ: ekaṃ samayaṃ bhagavā sāvatthiyaṃ viharati jetavane anāthapiṇḍikassa ārāme. tatra kho bhagavā bhikkhū āmantesi bhikkhavoti. bhaddanteti te bhikkhu bhagavato paccassosum, bhagavā etadavoca:
2. ariyaṃ vo bhikkhave, sammāsamādhim desissāmi saupanisaṃ saparikkhāraṃ. taṃ suṇātha, sādhu kaṃ manasi karotha, bhāssissāmīti.
3. evaṃ bhanteti kho te bhikkhū bhagavato paccassosum. bhagavā etadavoca:
4. katamo ca bhikkhave, ariyo sammāsamādhi saupaniso saparikkhāro, seyyathidaṃ: sammādiṭṭhi sammāsaṅkappo sammāvācā sammākammanto sammājīvo sammāvāyāmo sammāsati. yā kho bhikkhave, imehi sattaha'ṅgehi¹ cittassa ekaggatā parikkhatā ayaṃ vuccati bhikkhave, ariyo sammāsamādhi saupaniso itipi, saparikkhāro itipi.
5. tatra bhikkhave, sammādiṭṭhi pubbaṅgamā hoti. kathaṅca bhikkhave, sammādiṭṭhi pubbaṅgamā hoti: micchādiṭṭhiṃ micchādiṭṭhīti pajānāti. sammādiṭṭhiṃ sammādiṭṭhīti pajānāti. sāssa hoti sammādiṭṭhi.

¹sattaṅgehi - pts

6. katamā ca bhikkhave, micchādiṭṭhi: natthi dinnam, natthi yiṭṭham, natthi hutam, natthi sukaṭadukkaṭānam kammānam phalam vipāko, natthi ayam loko, natthi paro loko, natthi mātā, natthi pitā, natthi sattā opapātikā, natthi loke samaṇabrāhmaṇā sammaggatā sammāpaṭipannā, ye imam ca lokam param ca lokam sayam abhiññā sacchikatvā pavedentīti. ayam bhikkhave, micchādiṭṭhi.

7. katamā ca bhikkhave, sammādiṭṭhi: sammādiṭṭhim-paḥam² bhikkhave, dvayam³ vadāmi: atthi bhikkhave, sammādiṭṭhi sāsavā puññabhāgiyā upadhivepakkā atthi bhikkhave, sammādiṭṭhi ariyā anāsavā lokuttarā maggaṅgā.

8. katamā ca bhikkhave, sammādiṭṭhi sāsavā puññabhāgiyā upadhivepakkā: atthi dinnam, atthi yiṭṭham, atthi hutam, atthi sukaṭadukkaṭānam kammānam phalam vipāko, atthi ayam loko, atthi paro loko, atthi mātā, atthi pitā, atthi sattā opapātikā, atthi loke samaṇabrāhmaṇā sammaggatā sammāpaṭipannā, ye imam ca lokam param ca lokam sayam abhiññā sacchikatvā pavedentīti. ayam bhikkhave, sammādiṭṭhi sāsavā puññabhāgiyā upadhivepakkā.

9. katamā ca bhikkhave, sammādiṭṭhi ariyā anāsavā lokuttarā maggaṅgā: yā kho bhikkhave, ariyacittassa

²sammādiṭṭhim-paḥam-sīmu.

³dvāyam-majasaṃ.

anāsavacittassa ariyamaggasamaṅgino ariyamaggaṃ bhāvayato paññā paññindriyaṃ paññābalaṃ dhamma-vicayasambojjihaṅgo sammādiṭṭhi maggaṅgaṃ⁴ ayaṃ vuccati bhikkhave, sammādiṭṭhi ariyā anāsavā lokut-tarā maggaṅgā. so⁵ micchādiṭṭhiyā pahānāya vāya-mati sammādiṭṭhiyā upasampadāya. svāssa⁶ hoti sam-māvāyāmo. so sato micchādiṭṭhiṃ pajahati. sato sam-mādiṭṭhiṃ upasampajja viharati. sāssa hoti sammā-sati. itissime⁷ tayo dhammā sammādiṭṭhiṃ anupari-dhāvanti anuparivattanti. seyyathidaṃ: sammādiṭṭhi sammāvāyāmo sammāsati.

10. tatra bhikkhave, sammādiṭṭhi pubbaṅgamā hoti. kathaṅca bhikkhave sammādiṭṭhi pubbaṅgamā hoti: micchāsaṅkappaṃ micchāsaṅkappoti pajānāti sammā-saṅkappaṃ sammāsaṅkappoti pajānāti. sāssa hoti sam-mādiṭṭhi.

11. katamo ca bhikkhave, micchāsaṅkappo, kāmasaṅkappo, vyāpādasāṅkappo, vihiṃsāsaṅkappo. ayaṃ bhikkhave, micchāsaṅkappo.

12. katamo ca bhikkhave, sammāsaṅkappo: sammā-saṅkappampa'haṃ⁸ bhikkhave, dvayaṃ⁹ vadāmi. at-

⁴maggaṅgā - sīmu, pts.

⁵yo - pts dvāyaṃ-majasam.

⁶sāssa-sīmu.

⁷itiyime-majasam. itime-sīmu.

⁸sammāsaṅkappampāhaṃ - sīmu

⁹dvāyaṃ - machasam

thi bhikkhave, sammāsaṅkappo sāsavo puññabhāgiyo upadhivepakko, atthi bhikkhave, sammāsaṅkappo ariyo anāsavo lokuttaro maggaṅgo.

13. katamo ca bhikkhave, sammāsaṅkappo sāsavo puññabhāgiyo upadhivepakko: nekkhammasaṅkappo avyāpādasāṅkappo avihiṃsā saṅkappo ayaṃ bhikkhave, sammāsaṅkappo sāsavo puññabhāgiyo upadhivepakko.

14. katamo ca bhikkhave, sammāsaṅkappo ariyo anāsavo lokuttaro maggaṅgo: yo kho bhikkhave, ariya-cittassa anāsavacittassa ariyamaggasamaṅgino ariyamaggaṃ bhāvayato takko vitakko saṅkappo appaṇā vyappaṇā cetaso abhiniropanā vacīsaṅkhāro. ayaṃ bhikkhave, sammāsaṅkappo ariyo anāsavo lokuttaro maggaṅgo. so micchāsaṅkappassa pahānāya vāyamati sammāsaṅkappassa upasampadāya. svāssa¹⁰ hoti sammāvāyāmo. so sato micchāsaṅkappam pajahati. sato sammāsaṅkappam upasampajja viharati. sā'ssa hoti sammāsaṅkappam anuparidhāvanti. anuparivattanti. seyyathidaṃ: sammādiṭṭhi sammāvāyāmo sammāsaṅkappo.

15. tatra bhikkhave, sammādiṭṭhi pubbaṅgamā hoti kathaṅca bhikkhave, sammādiṭṭhi pubbaṅgamā hoti: micchāvācam micchāvācāti pajānāti. sammāvācam sammāvācāti pajānāti. sā'ssa hoti sammādiṭṭhi.

¹⁰sāssa - sīmu, pts

¹¹itiyime - majasaṃ.

16. katamā ca bhikkhave, micchāvācā: musāvādo pi-sunāvācā pharusāvācā samphappalāpo. ayaṃ bhikkhave micchāvācā.

17. katamā ca bhikkhave sammāvācā: sammāvācampa'haṃ bhikkhave, dvayaṃ vadāmi. atthi bhikkhave, sammāvācā sāsavā puññabhāgiyā upadhivepakkā, atthi bhikkhave, sammāvācā ariyā anāsavā lokuttarā maggaṅgā.

18. katamā ca bhikkhave, sammāvācā sāsavā puññabhāgiyā upadhivepakkā: musāvādā veramaṇī, pisanāya vācāya veramaṇī. pharusāya vācāya veramaṇī, samphappalāpā veramaṇī. ayaṃ bhikkhave, sammāvācā sāsavā puññabhāgiyā upadhivepakkā.

19. katamā ca bhikkhave, sammāvācā ariyā anāsavā lokuttarā maggaṅgā: yā kho bhikkhave, ariyacittassa anāsavacittassa ariyamaggasamaṅgīno ariyamaggaṃ bhāvayato catuhipi vacīduccaritehi ārati virati paṭivirati veramaṇī. ayaṃ bhikkhave, sammāvācā ariyā anāsavā lokuttarā maggaṅgā. so micchāvācāya pahānāya vāyamatī, sammā vācāya upasampadāya. svāssa¹²1 hoti sammāvāyāmo. so sato micchāvācaṃ pajahati. sato sammāvācaṃ upasammajja viharati. sāssa hoti sammāsatī. itissime¹³2 tayo dhammā sammāvācaṃ anuparidhāvanti anuparivattanti. seyyathīdaṃ: sammādiṭṭhi, sammāvāyāmo, sammāsatī.

¹²sāssa-sīmu.

¹³itiyime-majasam.

20. tatra bhikkhave, sammādiṭṭhi pubbaṅgamā hoti. kathaṇca bhikkhave, sammādiṭṭhi pubbaṅgamā hoti: micchākammantaṃ micchākammantoti pajānāti sammākammantaṃ sammākammantoti pajānāti. sāssa hoti sammādiṭṭhi.

21. katamo ca bhikkhave, micchākammanto: paṇātipāto, adinnādānaṃ, kāmesu micchācāro. ayaṃ bhikkhave, micchākammanto.

22. katamo ca bhikkhave, sammākammanto: sammākammantampahaṃ bhikkhave, dvayaṃ vadāmi. atthi bhikkhave, sammākammanto sāsavo puññabhāgiyo upadhivepakko. atthi bhikkhave sammākammanto ariyo anāsavo lokuttaro maggaṅgo.

23. katamo ca bhikkhave, sammākammanto sāsavo puññabhāgiyo upadhivepakko: paṇātipātā veramaṇī, adinnādānā veramaṇī, kāmesu micchācārā veramaṇī. ayaṃ bhikkhave, sammākammanto sāsavo puññabhāgiyo upadhivepakko.

24. katamo ca bhikkhave, sammākammanto ariyo anāsavo lokuttaro maggaṅgo: yā kho bhikkhave, ariyacittassa anāsavacittassa ariyamaggasamaṅgīno ariyamaggaṃ bhāvayato tīhipi kāyaduccaritehi ārati virati paṭivirati veramaṇī. ayaṃ bhikkhave, sammākammanto ariyo anāsavo lokuttaro maggaṅgo. so micchākammantassa pahānāya vāyamati, sammākammantassa upa-

sampadāya. svā'ssa hoti sammāvāyāmo. so sato micchākammantaṃ pajahati. sato sammākammantaṃ upasampajja viharati. sā'ssa hoti sammāsatī. itī'ssi me tayo dhammā sammākammantaṃ anuparidhāvanti anuparivattanti. seyyathīdaṃ: sammādiṭṭhi, sammāvāyāmo sammāsatī.

25. tatra bhikkhave, sammādiṭṭhi pubbaṅgamā hoti. kathaṇca bhikkhave, sammādiṭṭhi pubbaṅgamā hoti: micchāājīvaṃ micchāājīvoti pajānāti. sammāājīvaṃ sammāājīvoti pajānāti. sāssa hoti sammādiṭṭhi.

26. katamo ca bhikkhave, micchāājīvo: kuhanā lapanā nemittikatā nippesikatā lābhena lābhaṃ nijigiṃsanatā¹⁴ ayaṃ bhikkhave, micchāājīvo.

27. katamo ca bhikkhave, sammāājīvo: sammāājīvaṃ pahaṃ bhikkhave, dvayaṃ vadāmi. atthi bhikkhave, sammāājīvo sāsavo puññabhāgiyo upadhivepakko, atthi bhikkhave, sammāājīvo ariyo anāsavo lokuttaro maggaṅgo.

28. katamo ca bhikkhave, sammāājīvo sāsavo puññabhāgiyo upadhivepakko: idha bhikkhave, ariyasāvako micchāājīvaṃ pahāya sammā ājīvena jīvakaṃ kappeti. ayaṃ bhikkhave, sammā ājīvo sāsavo puññabhāgiyo upadhivepakko.

¹⁴nijigisanatā - machasaṃ.

29. katamo ca bhikkhave, sammā ājīvo ariyo anāsavo lokuttaro maggaṅgo: yā kho bhikkhave, ariyacittassa anāsavacittassa ariyamaggasamaṅgino ariyamaggaṃ bhāvayato micchāājīvā ārati virati paṭivirati veramaṇī. ayaṃ bhikkhave, sammāājīvo ariyo anāsavo lokuttaro maggaṅgo. so micchāājīvassa pahānāya vāyamati. sammā ājīvassa upasampadāya. svāssa¹⁵ hoti sammāvāyāmo. so sato micchāājīvaṃ pajahati. sato sammāājīvaṃ upasampajja viharati . sā'ssa hoti sammāsati. tassime tayo dhammā sammāājīvaṃ anuparidhāvanti anuparivattanti. seyyathīdaṃ: sammādiṭṭhi, sammāvāyāmo, sammāsati.

30. tatra bhikkhave, sammādiṭṭhi pubbaṅgamā hoti. kathaṇca bhikkhave, sammādiṭṭhi pubbaṅgamā hoti: sammādiṭṭhissa bhikkhave, sammāsaṅkappo pahoti sammāsaṅkappassa sammāvācā pahoti. sammāvācassa sammākammanto pahoti. sammākammantassa sammāājīvo pahoti. sammāājīvassa sammāvāyāmo pahoti. sammāvāyamassa sammāsati pahoti. sammāsatissa sammāsamādhi pahoti. sammāsamādhissa sammāñāṇaṃ pahoti. sammāñāṇassa sammāvimutti pahoti. iti kho bhikkhave, aṭṭhaṅgasamannāgato sekho¹⁶ dasaṅgasamannāgato arahā hoti.

31. tatra bhikkhave, sammādiṭṭhi pubbaṅgamā hoti. kathaṇca bhikkhave, sammādiṭṭhi pubbaṅgamā hoti. sammādiṭṭhissa bhikkhave, micchādiṭṭhi nijjiṇṇā hoti.

¹⁵sossa - sīmu, pts

¹⁶sekkho - machasaṃ; sekho paṭipado - pts.

ye ca micchādiṭṭhipaccayā aneka pāpakā akusalā dhammā sambhavanti. te cassa nijjiṇṇā honti. sammādiṭṭhipaccayā ca aneke kusalā dhammā bhāvanā pāripūriṃ gacchanti.

32. sammāsaṅkappassa bhikkhave, micchāsaṅkappo nijjiṇṇo hoti, ye ca micchāsaṅkappapaccayā aneke pāpakā akusalā dhammā sambhavanti. te cassa nijjiṇṇā honti. sammāsaṅkappapaccayā ca aneke kusalā dhammā bhāvanā pāripūriṃ gacchanti.

33. sammāvācassa bhikkhave, micchāvācā nijjiṇṇā hoti. ye ca micchāvācāpaccayā aneke pāpakā akusalā dhammā sambhavanti te cassa nijjiṇṇā honti. sammāvācāpaccayā ca aneke kusalā dhammā bhāvanā pāripūriṃ gacchanti.

34. sammākammantassa bhikkhave, micchākammanto nijjiṇṇo hoti. ye ca micchākammantapaccayā aneke pāpakā akusalā dhammā sambhavanti. te cassa nijjiṇṇā honti. sammākammantapaccayā ca aneke kusalā dhammā bhāvanā pāripūriṃ gacchanti.

35. sammāājīvassa bhikkhave, micchāājīvo nijjiṇṇo hoti. ye ca micchāājīvapaccayā aneke pāpakā akusalā dhammā sambhavanti, te cassa nijjiṇṇā honti. sammāājīvapaccayā ca aneke kusalā dhammā bhāvanā pāripūriṃ gacchanti.

36. sammāvāyāmassa bhikkhave, micchāvāyāmo nijjiṇṇo hoti. ye ca micchāvāyāmapaccayā aneke pāpakā akusalā dhammā sambhavanti. te cassa nijjiṇṇā honti. sammāvāyāmapaccayā ca aneke kusalā dhammā bhāvanā pāripūriṃ gacchanti.

37. sammāsatissa bhikkhave, micchāsati nijjiṇṇā hoti. ye ca micchāsati paccayā aneke pāpakā akusalā dhammā sambhavanti; te cassa nijjiṇṇā honti. sammāsatipaccayā ca aneke kusalā dhammā bhāvanā pāripūriṃ gacchanti.

38. sammāsamādhissa bhikkhave, micchāsamādhi nijjiṇṇo hoti. ye ca micchāsamāधिpaccayā aneke pāpakā akusalā dhammā sambhavanti, te cassa nijjiṇṇā honti. sammāsamāधिpaccayā ca aneke kusalā dhammā bhāvanā pāripūriṃ gacchanti.

39. sammāñāṇassa bhikkhave, micchāñāṇaṃ nijjiṇṇaṃ hoti. ye ca micchāñāṇapaccayā aneke pāpakā akusalā dhammā samabhavanti te cassa nijjiṇṇā honti. sammāñāṇapaccayā ca aneke kusalā dhammā bhāvanā pāripūriṃ gacchanti.

40. sammāvimuttassa bhikkhave, micchāvimutti nijjiṇṇā hoti. ye ca micchāvimutti paccayā aneke pāpakā akusalā dhammā sambhavanti. te cassa nijjiṇṇā honti. sammāvimutti paccayā ca aneke kusalā dhammā bhāvanā pāripūriṃ gacchanti.

41. iti kho bhikkhave, vīsati kusalapakkhā vīsati akusalapakkhā, mahācattārisako dhammapariyāyo pavattito appativattiyo samaṇena vā brāhmaṇena vā devena vā mārena vā brahmunā vā kenaci vā lokasminti.

42. yo hi koci bhikkhave, samaṇo vā brāhmaṇo vā imaṃ mahācattārisakaṃ dhammapariyāyaṃ garahitabbaṃ paṭikkositabbaṃ maññeyya, tassa diṭṭheva dhamme dasa sahadhammikā vādānuvādā gārayhaṃ ṭhānaṃ āgacchanti. samamādiṭṭhiṃ ce bhavaṃ garahati. ye ca micchādiṭṭhi samaṇabrāhmaṇā, te bhoto pujjā. te bhoto pāsaṃsā. sammāsaṅkappaṃ ce bhavaṃ garahati. ye ca micchāsaṅkappā samaṇabrāhmaṇā, te bhoto pujjā, te bhoto pāsaṃsā. sammāvācaṃ ce bhavaṃ garahati, ye ca micchāvācā samaṇabrāhmaṇā, te bhoto pujjā te bhoto pāsaṃsā. sammākammantaṃ ce bhavaṃ garahati. ye ca micchākammantā samaṇabrāhmaṇā, te bhoto pujjā te bhoto pāsaṃsā. sammāajīvaṃ ce bhavaṃ garahati. ye ca micchāajīvā samaṇabrāhmaṇā, te bhoto pujjā te bhoto pāsaṃsā. sammāvāyāmaṃ ce bhavaṃ garahati. ye ca micchāvāyāmā samaṇabrāhmaṇā, te bhoto pujjā te bhoto pāsaṃsā. sammāsaṭiṃ ce bhavaṃ garahati. ye ca micchāsaṭi samaṇabrāhmaṇā, te bhoto pujjā te bhoto pāsaṃsā. sammāsamādhiṃ ce bhavaṃ garahati. ye ca micchāsamādhi samaṇabrāhmaṇā, te bhoto pujjā te bhoto pāsaṃsā. sammāñāṇaṃ ce bhavaṃ garahati. ye ca micchāñāṇi samaṇabrāhmaṇā, te bhoto pujjā te bhoto pāsaṃsā. sammāvimuttiṃ ce bhavaṃ garahati. ye ca micchāvimutti samaṇabrāhmaṇā, te bhoto pujjā te bhoto pā-

samsā.

43. yo hi koci bhikkhave samaṇo vā brāhmaṇo vā imaṃ mahācattārīsakaṃ dhammapariyāyaṃ garahitabbaṃ paṭikkositabbaṃ maññeyya. tassa ditṭheva dhamme ime dasa sahadhammikā vādānuvādā gārayhaṃ ṭhānaṃ āgacchanti.

44. yepi te bhikkhave, ahesuṃ ukkalā vassabhaññā¹⁷ ahetuvādā akiriyavādā natthivādā, tepi mahācattārīsakaṃ dhammapariyāyaṃ na garahitabbaṃ, na paṭikkositabbaṃ¹⁸ maññiṃsu¹⁹ taṃ kissa hetu: nindābyārosaupārambhabhayāti.

45. idamavoca bhagavā. attamanā te bhikkhū bhagavato bhāsitaṃ abhinandunti.

¹⁷okkalā(vayabhiññā - machasaṃ.

¹⁸nappaṭikkositabbaṃ = ma.

¹⁹maññeyyumaṃ machasaṃ, siya, pts